

Romana Iuris Tumulandi.

Stantibus &c.

44

Dub. *An sit standum, vel recedendum à Decisis in casu &c.*

Reu. Pater. **Q**uamuis nostra imbecillitas temporum angustijs perterrita maiorem expeteret dilationem ad satisfaciendum Decisioni emanatæ ab hoc Supremo Senatu; attamen quia RR. PP. placuit intra breues limites repositionem causæ iniungere, idcirco, quo decet, obsequio excipientes mandata Rotalia, hanc arduam Prouinciam aggredi non dubitauimus, & exponere Iura pro Parochiali Ecclesia suadentia recessum à decisis.

Reassumentes itaque singularitèr omnia in contrario voto deducta; illud orditur à regula incontrouertibilitèr nostre Ecclesiæ assistenti, quòd omnes Christi Fideles intra limites Parochiæ decedentes, in ea sint sepelliendi iuxtà Pontificias sanctiones relatas in *S. Nonnulla*; ex quibus subnectitur emanare æquè claram limitationem, quòd is, qui habet sepulcrum maiorum, vel sibi particulare elegit, aut ex aliquo speciali titulo deferendus est ad propriam Ecclesiam, eximitur à lege Parochiali; fortiùs quandò nulla sit contentio de quarta, quæ Parochiæ debetur in recompensationem laborum, sed de sola sepultura.

Porò verò contraria Decisio admittit regulam fauore Parochiæ inuitabilem, paritèr admittit Parochia laudatas limitationes, quarum duæ nempe habentium, vel eligentium sepulturam tamquam extraneæ à nostro casu omittuntur, & pesfigitur in examine tertiæ, scilicèt eorum, qui ex aliquo speciali titulo dicuntur habere propriam Ecclesiam, vt de Episcopo, Parocho, Canonico, Beneficiato, & Vidua tradunt DD. cum *in S. Prædictæ duæ*, quibus à pari, imò à maiori parte rationis autumarunt Illustrissimi PP. comparandum Cardinalem habentem Titulum, ideòque ipso decedente absque electione sepulturæ Ius Ecclesiæ Titularis potentiùs esse altero Parochialis pro vindicando illius cadauere.

Has tamen sit constantèr insistere, quòd illatio non procedit à pari, multòque minùs à maiori parte rationis; ad quod assequendum opus omninò est causam cognoscere, ex qua Episcopus, Parochus, Canonicus, & Beneficiatus in suis Ecclesijs, ac Vidua in sepulcro Viri tumulentur; si etenim eadem ratio non concurrat in Cardinali Titulari, argumentum erit incongruum, nec ex eo antecedente emerget præensum consequens ordinatum ad paritatem, vel maiori partem Iuris sepulturæ.

A

Ordien-

Ordinando ab Episcopis ille sepellitur in sua Ecclesia Cathedrali, non quia habeat Dignitatem, & iurisdictionem Episcopalem, sed qui à habeat Ordinem, cui sunt duò intrinsecè, & quidditatiuè annexa, nempe coniugium cum sua Ecclesia, & ibidem necessaria residentia, quæ de per se, principalitèr, & independentèr à Iurisdictione, ac præeminentia important necessitatem sepulturæ, vt reddentes causam propriæ Sententiæ vno ore concordant DD. in Decisione relati nempe *Petr. de Vbald. de Canon. Episc. cap. 9. num. 32.* ibi = *sepellientur in eorum Ecclesijs Cathedralibus, quia ibi censentur habere domicilium cum teneantur ibi ad continuam residentiam, cum etiam ibi audiant Diuina, & percipiant Ecclesiastica Sacramenta = Marchet. de Vicar. Cap. tit. 38. de sepult. §. 2. num. 69., vbi inquit Episcopum esse sepellendum in Cathedrali, vt Iuris est, & allegat Vbald. & Medic., qui referunt eandem rationem coniugij, & residentia, Ventrigl. in prax. for. Eccles. adnot. 52. §. Vnico versic. respondeo ibi = Episcopos, Canonicos, Rectores, & alios habentes Ecclesias cum onere residendi, quia ibi censentur habere domicilium vbi continuè residere tenentur sepelliendos esse in sepulturis earum Ecclesiarum, & idem tradunt Sebast. de Medic. de sepult. part. prima quæst. 7. num. 6. ibi = Episcopi decedentes non electa sepultura sepellientur in eorum Ecclesijs Cathedralibus, quia ibi censentur habere domicilium cum teneantur ibi continuè residere = Lauer. var. elucubr. tit. 2. cap. 11. num. 51. Episcopi sepellientur in eorum Ecclesijs Cathedralibus, quia ibi censentur habere domicilium cum ibi teneantur continuè residere = Amonstaz. de caus. pjs lib. 6. de funer. cap. 8. num. 64. = Episcopi sepellientur in Cathedrali ratio enim est quia ibi videntur habere domicilium vbi residere tenentur, & num. 60. ibi = id enim congruit, vt quis est sponsus Cathedralis in ea sepelliatur = Frances de Eccles. Cathedr. cap. 17. num. 8. = hinc est quod Episcopus in sua debet sepelli Cathedrali propter vinculum matrimonij spiritualis, quo ipsi coniungitur.*

Eadem prorsus ratio coniugij, & residentia, quæ regulat sepulturam Episcopi, regulat paritèr sepulturam Rectoris, siuè Parochi idem *Petr. de Vbal. de Canon. Paroch. cap. 7. num. 37. = sepellitur in illa Ecclesia quia ibi censetur habere domicilium = Antonell. de regim. Eccles. lib. primo cap. 12. num. 13. = ita etiam Rector Ecclesia Curata in eadem sepelli debet, & quamuis ipse nullam alleget rationem, tamen per dictionem = ita etiam continuat antecedentem causam residentia allatam de Episcopo, Marchet. de sepult. tit. 38. num. 47. = debet sepelli in Ecclesia in qua residet, Ventrigl. in prax. Eccles. tom. primo adnot. 52. §. Vnico num. 24. = Rectores, & alios habentes Ecclesias cum onere residendi, quia ibi censentur habere domicilium, vbi continuè residere tenentur sepelliendos in sepulturis earum Ecclesiarum Medic. de sepult. d. par. prima quæst. 7. num. 9.*

num. 9. = sepellietur in Ecclesia cuius curam gessit, quia *ihī censetur habere domicilium ubi continuè residere tenetur*.

Canonicis verò, & Beneficiatis duæ concurrunt causæ sepulturæ, altera est residentia, & Coniugij *Ventrigl. in prax. for. Eccles. adnot. 52. S. Vnico vers. respondeo* ibi = Canonicos, & alios habentes Ecclesias cum onere residendi, quia *ibi censentur habere domicilium ubi continuè residere tenentur* sepellendos esse in sepulturis earum Ecclesiarum *Belletr. disquisit. Cler. par. prima tit. de Cleric. debit. S. 3. num. 9.* = laudabilius tamen esset si Clericus sepelliretur in sua Ecclesia, in qua erat Beneficiatus, cum eidem alligatus fuerit matrimon. o spirituali = *Frances de Eccles. Cathedr. d. cap. 17. num. 17.* = quia Clericus ita est coniunctus cum sua Ecclesia, ut sit cum illa cor unum, & anima una, qua etiam ratione omnes Beneficiati in eadem Ecclesia sepelliendi sunt.

Altera, & potior est, quia Canonici, & Beneficiati habent in suis Ecclesijs certum, & determinatum sepulcrum; quod proindè dici debet sepulcrum maiorum respectu Ordinis, quo illi sunt insigniti, vndè iure merito debent ibidem tumulari; & hoc aded est verum, ut si proprium sepulcrum in aliqua Ecclesia non extet, tunc subintret Parochia ad tumulandum eorum Cadavera in puncto *March. de sepult. tit. 38. S. 22. num. 46.* ibi = quod si in Cathedrali non adsit sepulcrum proprium Canonice, nec Canonicus elegerit sepulturam, vel habuerit sepulturam maiorum non tumulatur in Cathedrali, sed in Parochiali, & sequitur *Amonstaz. de caus. pjs lib. 6. de funerib. cap. 8. num. 75.*

Quò deniquè ad Viduam ratio est apertissima tam residentia, quàm Coniugij; Vxor quippè, quæ est cum Viro una, & eadem caro in eadem Domo debet cohabitare, vndè iniustum censetur, ut quæ Viri domicilium secuta est, eodem tumulto non contegatur, ut arguendo ab huiusmodi necessaria cohabitatione *D. Hieroym. apud Gratian. in ca. Ebron. 13. quæst. 2.*, & concordat *cap. unaquæque 13. quia unaquæque Mulier sequatur Virum suum suè in vita, suè in morte; Zasius in l. penult. ff. de iurisdic. Sebas. Medic. de sepult. d. quæst. 7. nu. 26.*, & alij communiter.

Callemus igitur ex vnanimi sensu omnium DD. de hac materia loquentium, quod exemptio Episcopi, Parochi, Canonici, Beneficiati, & Viduæ fundatur in necessitate residentia, & qualitate Coniugij cum altera Ecclesia; nec aliquis inquit, ided illos esse ibidem sepellendos, quia habeant Dignitatem; sed quia ratione qualitatis sunt cor unum, & anima una cum Ecclesia, ubi eisdem est præscripta à Deo residentia, audiunt Diuina, & percipiunt Sacramenta, quæ sunt causatiua sepulturæ extrà Parochiam; ideoque strictè arguendo videre est, an ædem qualitates militent in Cardinali Titulari, ut possit dici versari in casu limitationis regulæ Parochiæ fauorabilis.

Nè autem in illatione procedatur cum fallacia, supplicantur Illu-
strissimi PP. expendere in S. R. E. Cardinalibus duplicem quali-
tatem, alteram scilicet Cardinalitiam, & alteram Titularem; quæ
ad Cardinalitiam certissimi Iuris est illam non suffragari ad exi-
mendum Cardinalem à vinculo legis vniuersalis, Io: *Monach. in*
extrau. prima super Gloss. in verbo Clericus de sent. ex commun., &
alii quos refert, & sequitur *Rota coram Ottobon. decis. 257. num. 1.*
iuncto num. 12., potissimè quando agatur de Iuribus Parochiæ, cui
omnes esse iudistinctè subiectos quamuis Regia Dignitate præful-
geant optimè firmant *Abb. Panorm. in cap. omnes num. 3. de ma-*
ior., & *obed.*, *Lotter. de re benef. lib. primo quest. 30. num. 39.*, &
in præcis terminis sepulturæ Cardinalium *Passerin. de stat. Hom.*
quest. 187. artic. 4. aum. 32., & *Bonacin. de contract. disput. 3.*
quest. 32. part. 3. sub num. 6. S. Nono Cardinalem.

Sola itaque Dignitas Cardinalitia est inefficax ad limitandum no-
strum Parochiale Ius, à quo in Vrbe, nec sunt exempti Archiepis-
copi, Episcopi, cæterique Prælati, quos indistinctè in Parochis,
vbi degunt, quotidie videmus tumulari, & propterea tota vis pre-
tensæ limitationis fundari potest in altera qualitate Titulari, ac si
ista æquiparetur qualitati Episcopi, aliorumque, quos sumus in-
confesso esse exemptos à lege Parochiæ.

Ad assequendam disparitatem quamuis contraria *Decis. omiserit* al-
tius materiam ordiri; nihilominus causæ opportunitas nos cogit
inspicere tempora primitiæ Ecclesiæ, quibus Euaristus Papa
anno centesimo ab Incarnatione Regionem Vrbis in Titulos, & Pa-
rochias diuisit, ac in eis singulos Presbyteros, vt Sacramenta mi-
nistrarent, Populumque edocerent primario instituit; cumque Hi-
ginus in quolibet Titulo plures Presbyteros ordinauerit, ille qui
cæteris præerat, Presbyter Cardinalis fuit nuncupatus, & inde
qualitas Cardinalitia suam duxit originem, vt referunt *Panuin.*
de sept. Eccles. cap. 12., *Lelius Zecch. lib. 9. de Repub. cap. 28. nu. 1.*
eisdemque Presbyteris Cardinalibus Dionysius curam Cæmete-
riorum adiunxit *Cassan. in Catalog. glor. Mund. 4. par. consider. 12.*
Cobell. in notis. Card. cap. 6., & alijs ibidem laudati.

Hinc benè desumitur remotioribus sæculis Catholice Ecclesiæ, &
Parochos, quia ministrabant Sacramenta, Populum edocebant, Fi-
deles tumulabant, & cætera omnia explebant, quæ hodie per Pa-
rochos explentur, ideoque dubitari non potest illis temporibus
fuisse addictos Parochiæ, seu Titulo, itaut tamquam eiusdem
Sponsi tenerentur ibidem residere.

Aduenientibus postea felicioribus sæculis Catholice Ecclesiæ, &
Hierarchia Ecclesiastica ad Eminentie gradum euecta, Summi
Pontifices commissis Parochiarum Curis cæteris Presbyteris, auo-
carunt illos Seniores, & Cardinales ad sibi assistendum in regimi-
ne vniuersalis Ecclesiæ, & illud spirituale Coniugium ab antea in-
fixum

fixum Presbytero Cardinali, fuit translatum in alium Sacerdotem, & pariter extitit sublata Cardinalibus necessitas residendi idemq; dumtaxat moniti fuerunt residere apud Romanum Pontificem, tamquam ipsius Consiliarij, *Germon. de Indult., Cardin. §. Tibi quoad vixeris num. primo, Borell. in sum. decis. tit. 10. n. 8., Lotter. de re benef. lib. primo quæst. 8. num. 49., Barbof. de potest. Episc. 3. par. alleg. 53. num. 12.*

Amplius fuerunt etiam variati illi limites Parochiarum Presbyteris Cardinalibus iam diù destinati, & plures adauctæ Parochiæ intrâ quas fuerunt comprehensæ Ecclesiæ iam primitus in Titulum, & Parochiam erectæ; & quamvis illarum plures retinuerint simul Titulum, & Parochiam, alijs tamen fuit Parochialitas sublata, eaque concessa Ecclesijs non habentibus Titulum, vt demonstrat euidencia facti non indigens vltiori probatione.

Si igitur ordo Titulorum, & Parochiarum fuit penitus variatus, manifestum est non posse fieri illationem à seculis retroactis ad hodierna tempora, & regulare Iura earundem Ecclesiarum, prout primitus fuerunt constituta; quippè cum plures Tituli nullum amplius habeant districtum, vbi munera Parochialia exerceant, eaque in alijs Titulis adhuc districtum habentibus exercentur à Parocho, qui nullam habet dependentiam à Cardinali Titulari, & Cardinales ad maiora euocati non cogantur amplius residere, prout tenentur Parochi, ac demùm qualitas Coniugij cum Ecclesia fuerit in eosdem Parochos translata, relicto dumtaxat Cardinalibus Iure honorifico, vtique ab eo non potest inferri argumentum ad illa Iura, quæ respiciunt ordinem, & quæ ratione eiusdem ordinis sunt causatiua sepulturæ.

Neque aliqua vis fieri potest in Bullis desuper expediri solitis Cardinalibus Titularibus depromptis ab exemplari Bullæ Sixti V., qua ille Pontifex auxit Cardinalium numerum, eisdemque proprias Ecclesias destinavit; Siquidem in Bulla non iniungitur residentia in Titulis, sed Cardinales monentur residere in Vrbe, vt tamquam Cooperatores in Vniuersæ Reipublicæ Christianæ administratione Papæ assistant, & proindè, vltra quod talis monitio non importat necessitatem, sed Consilium; insuper respicit solam residentiam in Vrbe, quæ nihil contribuere valet Ecclesiæ Titulari quo ad Ius sepulturæ fundatum in actuali residentia intrâ limites propriæ Ecclesiæ, vel in habituali ob præcisam necessitatem residendi.

Absque eo quod suffragetur responsio data in contraria Decisione §. *Idem respondetur*; nempe quod Tituli habere non possint propriam habitationem, nèc vel ex loci distantia, vel ex qualitate aeris permittant comodam, & tutam residentiam; vnde desumitur, quod cum necessitas residendi emergat ex cap. ex gestis de Cleric. non resid., nihil obstat, quod talis residentia ex prouida

voluntate Summorum Pontificum immutata fuerit, quia ad effectum sepulture sufficiat residentia etiam præsumpta, & habitualis.

Huiusmodi namque discursus benè procederet quatenus in Cardinali probari posset necessitas residendi, quo casu etiam si non resideret; censeretur tamen habitualitè residere: sed quando fuit sublata residentia non ex defectu congruæ habitationis, sed ob immutatum ordinem Ecclesiasticæ Hierarchiæ, & translatum coniugium cum Ecclesijs Parochialibus in alterum Sacerdotem, utique cessante coniugio cui est infixæ necessitas residendi, cessat etiam habitualis residentia, quæ fundatur in d. necessitate residendi.

Et quamvis in d. *cap. ex gestis* habeatur Cardinalis Anastasius depositus ob neglectam residentiam; reflecti tamen oportet, quod de eo tempore Cardinales erant adhuc verè, & realitèr Parochi, & Anastasius fuit depositus non ex quo deseruerit Titulum, sed ex quo deseruerit Parochiam, & Populum sibi commissum, ac per quinquennium in extraneis regionibus permanserit, ut benè *German. lib. primo animaduers. cap. 17.*, & sequitur *Gonzalez ad dict. cap. ex gestis num. 6. in fine*; ideoque *Tex.* non importat determinatam residentiam in Titulo tamquam Titulo, sed tamquam Parochia cui Cardinalis verè, & realitèr Parochus reperiebatur additus.

Progreditur indè Bulla Sixtina ad historicam relationem, quod ab antiquo prædictæ Ecclesiæ quasi quædam cuiusque propriæ Dioceses reputabantur, quodque cum suis Clero, & Populo, ac quasi Episcopali Iurisdictione gerendæ, & administrandæ committebantur; vnde motus Summus Pontifex dictarum Ecclesiarum curam, & administrationem Titularibus committit; Sic sicuti ex cæteris verbis Bullæ non oritur necessitas residendi in Titulis, paritèr ex actibus ibidem exercendis per Cardinales nullum desumi potest Coniugium spirituale cum illis Ecclesijs, quippè Pontifex enarrando primæum statum earundem Ecclesiarum quas iam est in comperto fuisse Parochias cum suis Clero, & Populo, fatetur tales amplius non esse, & quamvis earum administrationem Titularibus iniungat; non exindè ipsi constituuntur Episcopi, quia talitèr haberent iurisdictionem Episcopalem; nec paritèr efficiuntur Parochi, quia in Titulis, qui adhuc in præsentem habent annexam Parochialitatem, adsunt Parochi omninò independentes à Cardinali Titulari, ideòque illa Cura, & Administratio commissæ Titulari importat simplicem Iurisdictionem præeminentialem, quæ nihil commune habet cum coniugio, & proindè DD. benè inferunt Cardinalem non esse Sponsum Ecclesiæ, ut videre est penès *Caldérin. conf. primo num. 2. de translat. Prælat.*, *Passerin. de elect. Canon. cap. 24. de postulat. quæst. 12. num. 37.*, *Lotter. de re benefic. lib. primo quæst. 8. num. 36.*, *Eagnan. in cap. Hisque numero*

ro 26. de maior., & obed., Rota decisione 233. numero 19. par. prima diuers.

Indè patet, quod non benè aliqui autumauerint Titulares habere iurisdictionem Episcopalem in Titulis; contrarium namque edocet ad oculum dicta Bulla, vbi enunciatur Iurisdicctio quasi Episcopalis, non Episcopalis, quæ si resideret in Titulari, vtique ipse haberet plenariam Iurisdictionem etiam in Parochum, & Populum Parochiæ annexum, qui tamen ex facti euidencia Titulari non subordinantur, quin imò Parochus exercet Iurisdictionem in illis Titulis intra limites suæ Parochiæ comprehensis; qua propter ipse met Card. Albit. propriæ Dignitatis accerrimus Propugnator fateri non duditauit Iurisdictionem Cardinalium non esse Episcopalem in sua discept. prima num. 35., & concordant Cardin. Tolet. in sum. lib. primo cap. 29. sub num. 5., Baldell. Theol. moral. to. 2. de fid., & in fid. lib. 2. disput. 48. num. 24., Nicol. lucubr. lib. primo tit. 23. sub num. 6. vers. discusso articulo.

Neque qualitati Episcopali correspondent obseruantia, & Iurisdictione, vt supponit contraria Decisio §. Et utrique; Siquidem in Episcopo duo debent considerari, alterum, quod est illius essentialiale, & alterum accidentale; essentialiale stat in ipso ordine, cuius ratione Episcopus contrahit coniugium cum Ecclesia, & tale coniugium est quidditas, ac præcisa forma Episcopatus; accidentale vero stat in actibus Iurisdictionalibus, qui se habent per accidens ad qualitatem Episcopalem, & quamuis Episcopus illos non exerceat, seu non possit exercere, est tamen verè Episcopus, quia desponsatus Ecclesiæ; non sic autem se habet coniugium, quia sine illo nemo est Episcopus, imò eo ipso quod est sponsus dicitur Episcopus, & talis fit per immissionem anuli, nempe per contractionem coniugij; ac propterea non est bona illatio, plures actus Iurisdictionales correspondent actibus solitis per Episcopos exerceri, ergo qui dictos actus exercet habet qualitatem Episcopalem, quæ vt diximus, non à iurisdictione, sed ab ordine, & coniugio omnino dependet.

Videtur autem insubsistens ratiocinium contrariæ decis. §. Nam pro remotione, nempe quod pro causa Sepulturæ consideretur Dignitas, ac Sedes Episcopalis, ex qua deindè oritur, quod Episcopus dicatur Sponsus suæ Ecclesiæ, & teneatur residere, ac si qualitas Sponsi veniat in sequelam Dignitatis Episcopalis, nec sit principaliter considerata, prout sola Dignitas considerata fuit in Cardinali in itinere decedente antequàm ad Urbem perueniret, qui postposita Parochia, in qua decessit, sepellendus est in Ecclesia Maiori Loci obitus iuxta Sententiã Murgæ in contrarium laudati.

Absolutissimum namque est, quod pro causa Sepulturæ non potest

considerari Dignitas, & Sedes Episcopalis, sed præcisè Coniugium Episcopi cum sua Ecclesia, quod non venit in sequelam Dignitatis, sed est ipsa quidditas, & formale constitutum Ordinis Episcopalis; imò ex ipso Coniugio sequitur Dignitas, quia tunc quis sit Episcopus quando fit Sponsus, & antè Consecrationem, scilicet antè consumationem Coniugij non dicitur Episcopus *Tex. rotundus in c. sicut 8. d. x. in. 40. Io. Bertachin. de Episc. 4. p. 2. princip. tit. de eff. confirm. & rursus de effect. Consecr. ubique num. 1. Celot. de hierarch. lib. 13. cap. 17. Petrus Bolla in Æconom. class. 3. cap. 1. §. 2. Casar de Ecclesiast. q. 4. proam. §. 3. & prima par. disput. 6. §. 1. & 6.*, & ideò si Ius Sepulturæ pendet à qualitate Episcopali, pendere dicitur à qualitate Coniugij, quod est illius constitutum, vnde DD. benè sentiunt non quidem Dignitatem, sed Coniugium esse causatiuum Sepulturæ Episcopi in suis Ecclesijs, in puncto *Amonstaz. de caus. pjs lib. 6. de funer. cap. 8. nu. 65. congruit vt qui est Sponsus Cathedralis in ea sepellatur = Frances. de Eccles. Cathe dr. cap. 17. num. 8. = Episcopus in sua debet sepelliri Cathedrali propter vinculum matrimonij spiritualis, & nu. 17. quia ita est coniunctus cum sua Ecclesia, vt fit cum illa cor vnum, & anima vna = Bellet. diquis. Cleric. part. 1. §. 3. num. 9. = sepellitur in sua Ecclesia, cum eidem alligatus fuerit matrimonio spiritali.*

Nec contrarium suadet ea animaduersio, quòd si Cardinalis in itinere decedat sit sepellendus in Cathedrali ratione Dignitatis, si quidem in hac parte *Decis. omissa qualitate Titulari* habet recursum ad Dignitatem Cardinalitiam, quasi istà eximat à lege Parochiali, quando tamen abundè probauimus esse ad huiusmodi effectum penitus inefficacem.

Amplius non potest fieri illatio à Sepultura Cardinalis in itinere decedentis ad Sepulturam in Vrbe decernendam Cardinali ibidem defuncto; quippè etiam Episcopus in itinere decedens sepellitur in Ecclesia Maiori loci obitus, & tamen in Vrbe Episcopi sepeliuntur in Parochijs, in quibus decedunt, ex quo dignoscitur, quòd Sepultura in Cathedrali non datur Cardinali, & Episcopo ratione eorum Dignitatis, sed quia Cathedralis dicitur Parochia Viatorum *Gloss. in can. in nostra de Sepult. Hostien. & Ioan. Andr. in cap. 1. eod. tit. Laur. var. lucubr. tit. 2. cap. 11. num. 144. Barbosa. de Iur. Eccles. lib. 2. cap. 10. num. 35. Guttier. can. qui cap. 27. numer. 24. & Pignatell. consult. canon. tom. 1. consult. 145. per tot., vbi num. 3. refert resolutionem Sac. Congreg. Concil.*

Defectus verò Coniugij in Cardinalibus adstrui non valet ex eo, quòd ipsi sint membra vniuersalis Ecclesie, & propterea alteri Ecclesie desponsari non possit; siquidem DD. per nos relati, solum inquirunt Cardinales ratione qualitatis Cardinalitæ non esse spòsos illarum Ecclesiarum, quas habuerunt in comendam; cum cæ-

terroquin quando sunt prouisi de Episcopatu sint veri sponsi, prout erat Eñus Pallauicinus Episcopus Ecclesię Auximanę, idēque defectus Coniugij considerari debet respectu Tituli, non autē respectu Dignitatis Cardinalitię, quę non excludit Coniugium cum Ecclesia, cuius Cardinalis fit verē Episcopus.

Hucusque admittit Decis. defectum Coniugij, sed postea est sibi contraria, dum conatur adstruere idem Coniugium, ex quo Titulus vacare dicatur per obitum Titularis, ac si talis vacatio importet vinculi dissolutionem; verū vacatio Tituli non infert pcedens vinculum Coniugij, quā est vacatio minus propriē dicta, prout eodem modo vacare dicuntur cetera omnia Officia alicui comendata, imō si extaret ass. coniugium Ecclesia non diceretur vacans, sed Vidua; prout talis dicitur defuncto Episcopo ad latē tradita, per *Gonzalez in cap. Ne pro defectu num. 2. de elect. vbi innumerī concordantes.*

Multoque minus coniugium desumi potest, ex quo vniciue Cardinali proprius Titulus assignetur, nam id prouidē ordinauit Sixtus V., cum ceteroquin antea Cardinales plures Titulos haberent, & eonuerso plures Cardinales vnico titulo essent additi, vt eruditē demonstrat *Bellarmin. tom. 1. lib. 1. de Cleric. c. 16. per tot. vnde si plures erant vnico Titulo additi indubitanter non erant sponsi, cum vna Ecclesia plures sponso habere non valeat, nec econtrā vnus sponsus pluribus Ecclesijs possit copulari cap. plerisq. de Offic. Ordinar. cap. cum non ignores de praben. capit. in Apicibus 7. quest. 1. cap. sicut vna 22. qu. 2. Cupers. in Can. oportebat 79. dixerint, tit. differentia etiam n. 5. fol. 261. Massobr. in prax. ad haben. conc. pralud. 1. n. 4. Adden. ad dec. 90. n. 26. cum seqq. p. 9. rec.*

Minus subsistit, quōd nonnulli DD. descendendo ad hoc particulare examen, ex hac potissima ratione teneant, quōd Cardinalis in Vrbe decedens sine electione Sepulturę sit tumulandus in Titulo, & contrarium deprehenditur ex lectura; aliqui enim volunt de Iure Cardinales non esse sepelliendos in Titulis, sed in Ecclesia Lateranen: mori ab illa quidē solidissima ratione, quōd cum fuerit illis sublata qualitas Parochialis, & simultaneē necessitas residendi in proprijs Parochijs, iidemq; fuerint accersiti ad assistendū Romano Pontifici, proindē residere dicantur in Ecclesia, vbi Pontifex specialem Sedem maximi Episcopatus constituit *Murga de Sepultur. tract. 8. disquis. 2. sect. 2. dub. 7. conclus. 1. n. 1. Samuel. tract. 1. controu. 11. conclus. 5. n. 6. Dulph. de Sepult. cap. 4. n. 19. Sebast. Medic. eodem tit. par. 1. qu. 7. n. 3. Marchet. tit. 36. n. 100. Laxor var. elucubr. tom. 1. tit. 2. cap. 11. n. 47. Amonstaz de caus. pjs lib. 6. de Funer. cap. 8. n. 62. vnde inanis videtur labor trutinandi dispositionem Iuris fauore Tituli, quando iidemmet DD. in contrarium laudati fatentur pro absolutō Iuris dispositionem Titulo non assistere*

Fixo hoc lapide, quōd dispositio Iuris non stet pro Ecclesia Titula. f.

videamus modo vnde tale Ius fuerit Titulo quaesitum, & DD. in-
quiunt fuisse quaesitum ex consuetudine, vt videre est apud *Murg.*
& *Samuel. locis proximè relatis*; de d. tamen consuetudine illi non
possunt efficaciter deponere, quia alter est Hispanus, & alter Clu-
sinus, ideòque nescio videre quis reuelauerit illis huiusmodi sty-
lum, taliter quod siccis verbis, nulloque superaddito ratiocini o,
siue relato exemplo de consuetudine nostræ Urbis testari valean t.
Eoque magis minuitur ipsorum fides, quia alij DD. in Vrbe commo-
rantes erubuerunt d. consuetudinem referre, quinimò tenent ad
exclusionem Ecclesiæ Lateranen. Titularem esse tumulandum in
Titulo, ducto argumento ab Episcopo, qui debet tumulari in Ca-
thedrali, quia ibi censetur habere domicilium, vbi continuè resi-
dere tenetur, vt defendit *Cohell. de notis. Cardin. in cap. 16. priuil.*
38. §. *Verum quia*, & verba Cohell transcripsit *Passerin. de stat; ho-*
min: quest: 187: art: 4: num; 32;

Tota itaque vis illationis fit à Domicilio, quod coactè habet Epi-
scopus in Cathedrali, quasi etiam Titulares haberent hanc necessi-
tatem residendi, & proinde etiam si non residerent, adhuc tamen
censerentur residere; Verum quia iam plene demonstrauimus, quod
sublata Cardinalibus qualitate Parochiali, eaq; translata in alios
Sacerdotes, cessauit spirituale Coniugium, & residentia, utique
per necessarium consequens dicendum est cessasse etiam in Titulis
Ius Sepulture, quæ pender, vel ab actuali Residentia, vel ab habi-
tuali ob necessitatem residendi:

Opinio itaque istorum DD. non est fulcita solidissimis illis rationi-
bus, quas supponit *Decis.*, dum *Murga*, & *Samuel* cum ceteris
alijs concordant, fatentur Ius titulo non assistere, sed Ecclesiæ La-
teranen., *Cohell.*, & *Passerin.* dicunt Ius Titulo assistere, sed fa-
ciunt illationem erroneam supponendo in Cardinali Titulari il-
lam necessitatem residendi in Titulo, quæ est cansatiua Sepulture
Episcopi in sua Cathedrali, *Amonstaz.* verò, & *Card. Alban.* nec
verbum faciunt de Sepultura in Titulis, vt patet ex lectura.

Benè cognito per Illustriss. PP., quod DD. de consuetudine scriben-
tes nullam fidem merebantur, & alij respondentes de Iure valde
in Iure aberrarunt, voluerunt hanc arduam dirimere contentio-
nem cum obseruantia, quam putarunt Titulo assistere enumerando
exempla, seu verius attestaciones Magistrorum Ceremoniarum,
quibus tamquam de re ad proprium officium spectante plurimum
videtur deferendum.

Verum non erubescimus firmiter asserere, quod obseruantia faueat
Parochiæ, eidemque pariter faueant attestaciones Magistrorum
Ceremoniarum, quod vt ad euidentiam demonstretur, percurra-
mus exempla in contraria Decisione relata. Primum est illud Car-
dinalis Gualterij, cuius historiam descripsit Seruantius in suis
Diarijs, vbi patefacit propriam opinionem expressam, Capitulo

expressam Capitulo Ecclesiæ S. Laurentij in Damaso Parochialis
d. Cardinalis defuncti; nempe illi nullum Ius assistere, quo ad
Sepulturam, quia Titularis non esset sepellendus in Parochia,
sed in Titulo; huiusmodi tamen gratuita descriptio in nihilo præ-
iudicat Iuribus Parochiæ, quæ post auditum Oraculum Magistri
Ceremoniarum, nec illi acquiescens voluit in Foro sua Iura expe-
riri, & cor. Eius Vicario triangulari lite instructa inter d. Parochiam,
& Eccl. S. Agnetis, cuius Card. Gualterius erat Protector, ac S. Eu-
sebij, cuius erat Titularis iterum atque iterum insteterit Titulus pro cõ-
secutione Cadaveris, & emolumentorum, sed nihil potuit obtinere,
vt ex Iuribus productis, & relatis *presenti Summ. num. 1.*, subinde
vero repetita eadem instantia per Parochiam emanauit decretum,
illius favore pro consignatione omnium emolumentorum *Summar.*
num. 2., ideoque sifpost sententiam Magistri Ceremoniarum Titu-
lus fuit reiectus, & Parochia iudicialiter obtinuit corruptum funda-
mentum innixum Diarijs parum fideliter à Seruatio exaratis.

Cessat itaque penitus in facto, quod Ecclesia Parochialis acqueiue-
rit, nec fuerit consecuta Cadaver, ex qua acquiescentia contra-
ria *Decis.* illius non Ius resultare autumauit: imò argumentum ad
hominem retorquetur: si etenim titulus post repetitas instantias
nihil potuit obtinere, & acquieuit decreto favore Parochiæ ema-
nato, vtique ex tali acquiescentia non ius tituli resultare est in-
comperito: & quamuis Parochia non fuerit consecuta Cadaver
quia annuit voluntati Eminentissimi Pamphilij exoptantis Cardi-
nalem Protectorem in illa Ecclesia, cuius primum lapidem iec-
erat, tumulari; adhuc tamen ex iudicato fuit canonizatum il-
lius, Ius dum omnia emolumenta percepit, & tam illa quæ de-
bentur ratione Parochiitalatis, quam alia quæ debentur ratione
funeris, siue iuris funerandi, vnde manifestum redditur quod Ius
funeris non spectabat ad Titulum, qui in eo iudicio nihil potuit
obtinere.

Conatur vterius idem Seruantius destruere Ius Parochiæ, & in gratiã
propriæ sententiæ refert consimile exemplum fuisse traditum à *Pa-
ris de Grass.* in morte, & sepultura Cardinalis de Rubéis, acta-
liter fuisse statutum à Concilio Lateranen.; quod tamen Statutum,
præ manibus habetur, nec vllibi mentionem facit de huiusmodi
decreto, quamuis præcisè tractet de Exequijs Cardinalium, ideo-
que oportet dicere, quod sit gratuita assertio eiusdem Seruantij,
qui in suis Diarijs plura descripsit omnino insubsistentia.

Verum in aliqua parte videtur excusabilis Seruantius, quia retro-
cto seculo etiam alter Magister Ceremoniarum fuit in eodem sen-
su; dum secuto obitu Cardinalis Sarnani de anno 1596. orta con-
simili lite inter Basilicam SS. Apostolorum Parochiam, & Eccle-
siam S. Petri in Monte Aureo Titulum eiusdem Cardinalis defun-
cti, quidam Guidus Secundus Magister Ceremoniarum supposit

in

in Ceremoniali Libro expresse caueri Cardinalem defunctum ab
intestato in sua Ecclesia Titulari esse sepeliendum, vnde m^{gri}
DD. Cardinales decreuerunt tradendum esse Corpus Ecclesie Ti-
tulari; quod tamen decretum non fuit executioni demandatum,
quia alij Magistri Ceremoniarum fuerunt in contrario sensu, imò
assertionem D. Guidi exprobarunt tamquam falsam, præsumptuo-
sam, & temerariam, vt videre est ex particula Diarij *Summario*
num. 3. cuius non incongruum erit hic transcribere ea verba = *quod*
asseruit D. Guido in Ceremoniali libro caueri Cardinalem defunctum
esse sepeliendum in sua Ecclesia Titulari adhuc non inueni, nec legi,
nec etiam D. Paulus Collega (qui erat primus Magister Ceremo-
niarum) *vnde dubito decretum DD. Cardinalium fore reuocandum,*
quia fundatum erat in Verbis D. Guidi, qui asseruit hoc caueri in
Ceremoniali, quod non sine nostro imò potius eius dedecore erit, qui te-
meraria sua audacia, & presumptione falsa asserit &c. & quod ve-
re in Ceremoniali non cauetur; nec reperitur sine rubore caueri, &
reperiri asserit &c.

Videant igitur Illustrissimi PP. quod vsque de anno 1596., ijdem
Magistri Ceremoniarum dixerunt nihil penitus caueri in Ceremo-
niali quo ad Sepulturam Cardinalium in Titulis; & quamuis non
fiat subindè mentio an Cardinalis Sarnanus fuerit tumularus in
Parochia, hoc tamèn plenè constat ex Fide Parochi relata *Summ.*
num. 4., & proindè corrui^t tota vis, quæ poterat fieri in Cere-
moniali, & Diarijs; quando habetur alter casus decifus in puncto
prò Ecclesia Parochiali ad exclusionem Titularis.

Hinc pater quod nulla vis fieri debet in altero exemplo Cardinalis
Vitellij, seu attestatiōe Cornelij Firmani nouissime extracta; li-
cet etenim Cornelius Firmanus referat Cardinalem Vitellium
fuisse translatum ad Ecclesiam S. Mariæ in Viâ Lata eius Titulum,
ibidemque debuisse tumulari; attamen vltra quod, factis exactis-
simis diligentijs, non potuit reperiri nec in libris Parochiæ, ne-
que in Ecclesia aliqua memoria huius Sepulchri; insuper quam-
uis facti veritas subsisteret, in nihilo debet præiudicare Parochiæ,
quam nullibi constat fecisse aliquam Iudicalem instantiam prò
consecutione illius Cadaveris; ideoque ex vnico exemplo non
potest induci consuetudo, quæ essentialiter requirit partis contra-
dictionem; fortius in subiecta hypothesi vbi habetur, quod post
annos triginta eueniente alio consimili casu, & disputato articulo
contrarium fuit factum; ideoque certo certius exempla Cardi-
nalis Sarnani, & Cardinalis Gualterij præponderare debet alte-
ri Cardinalis Vitellij; de quo fit mentio absque vlla contradi-
ctione Parochiæ.

Non minus itaque Ius, quam obseruantia assistunt Parochiæ, & ob-
seruantia fortius roboratur ex duobus actibus inductiuis Iuris Se-
pulturæ, nempè ab Administratione Sacramentorum, & solutione
quartæ

Quartæ, quæ exercentur respectu Cardinalium defunctorum à Parochia, non autem à suis Ecclesijs Titularibus.

Ius Sepulturæ præcisè pendeat ab Administratione Sacramentorum est propositio irrefragabilis, quam vno oretuentur DD. in cap. 1. de Sepult. in 6. Antonell. de regim. Eccles. Episc. lib. 1. cap. 12. num. 36., Grat. discept. 74. num. 74., Marefcor. var. resol. lib. 2. cap. 95. num. 21. Sanchez de matrim. disput. 23. nu. 74. lib. 3. Marant. respon. 21. num. 21., & 22. tom. 4., Barbosa. de offic. Paroch. par. 3. cap. 26. num. 24., Pasqualig. qu. moral. 154. numer. 6., Amonstaz. de caus. pjs lib. 6. de funer. cap. 7. num. 19., Frances. de Eccles. Cathedr. cap. 17. num. 178., Trullenob. de Iur. Paroch. cap. 9. dub. 1. num. 1., Rota coram Mantica decis. 366. num. 2., coram Seraphin. dec. 1135. n. 3. coram Priol. dec. 365. n. 3., & dec. 348. n. 9. p. 11. rec.

Quod itidem pertinentia Quartæ importet necessariò annexum Ius sepelliendi, & quod quarta debeatur illi Ecclesiæ in qua quis de Iure debuerat sepelliari fanciuit Concil. Anabemensense temporibus Ioannis PP. XVII., & Henrici II. Angliæ celebratum ibi = si corpus extrà suam Parochiam quis posuerit nihilominus pecunia illi Ecclesiæ, cui corpus famulabatur viuens pertinet, & tradunt in puncto Abb. Panorm. in cap. nos instituta de Sepult. ibi = Tertiam partem iudicij sui illi Ecclesiæ præcipit dari, in quas quis sepelliari debebat, & melius in cap. de his num. 1. pariter de Sepult. ibi = Canonica portio debet exhiberi illis Ecclesijs, à quibus sepelliari debebant & Caren. resol. 80. unum. 2., vnde si Ecclesia Tituli nec potest ministrare Sacramenta Cardinali, quæ sumministrantur à Parochia, nec pariter suscipit aliqua emolumenta, quæ debentur Parochiæ, corruiat in Titulo ass. Ius Funeris, quod pendet ab Administratione Sacramentorum, & solutione quartæ,

Huius motiui efficacia in contraria Decisione exprobatum tamquam nimis probans, vt in S. Nullius pariter; sed talis responsio nullo modo satisfacit; nec subsistit, quod attentata hac ratione generalissima non suffragaretur amplius neque electio, neque habere sepulchrum Maiorum; nos quippe non sumus in casu electionis, seu Sepulcri Maiorum, in quibus casibus adhuc argumentum deductum à pertinentia quartæ probaret Ius Parochiæ in defectu electionis, & Sepulcri Maiorum; sed sumus in casu Sepulturæ præsentæ ex speciali Titulo, prout est ille qualitatis Episcopi, qui si eligit Sepulturam extrà Cathedralē; illi tamē debet prestare quartam, ex ea ratione quod non electa sepultura ibidem debuerat tumulari, Marchet. de Sepul. in voto impresso tit. 38. §. 2. sub num. 68. ad §. 3., ideoque vt procedamus semper cum eadem illatione, si Titulus representat Cathedralē respectu Titularis, & exindē habet Ius Sepulturæ, vtique dum eligunt Cardinales Sepulturam extrà Titulum deberent illi adhuc soluere quartam, prout

prout soluit Episcopus, & tamen soluunt Parochia non autem Titulo; ex quo oritur, quod non electa Sepultura debuerat tumulari in Parochia, non autem in Titulo.

Rursus Parochiale ius roboratur a maiori, quippe ipse met Summus Pontifex, qui de consuetudine sepellitur in Ecclesia Vaticana, proprio facto tueretur iura Parochia, dum eidem nē dum soluit quar-
tam, verum etiam committit cerebrum, cor, aliaque prae cordia, vt comprobatur ocularis euidentia in Ecclesia SS. Vincentij, & Anastasij, ex qua sane tumulatione emergit primum ius Parochia tumulandi Cadaver, quatenus non inoleuerit consuetudo illud alibi sepelliendi, quam tamen consuetudinem noluerunt Summi Pontifices Parochia praedicare; dum ipsi dimittunt praenarrata prae cordia quae tamquam nobilior corporis pars à Phisicis comendantur ad late tradita per Isbrand. Diemerbroeck in *Anatom. Corpor. human. lib. 2. cap. 6. §. 2.*

Denique non rite Statutum Cleri Romani retorquetur contra Parochiam, quando est illi fauorabile, nec illius dispositio debet dimidiari, sed tota, & integra exponi, inquit etenim sub §. 6. cap. 4. Cadavera extrā limites Parochiae, in qua obierunt absque eiusdem Parochi licentia in depositum non ponantur Cardinalium Cadaveribus exceptis, *que ob exequiarum commodiorem usum in Ecclesijs vicinis amplioribus deponi semper consueuerunt, quo tamen casu residuum Torciarum, quod supererit cum ad sepeliendum defertur inter eandem Ecclesiam, & proprium Parochum non immerito diuidi posse videtur.*

Statutum inquam est litterale fauore Parochiae, quia decernit neminem posse deponi extrā limites Parochiae, in qua decessit, & licet excipiat Cardinales, non tamen eos excipit, quia debeant deponi in Titulo, sed quia consuevit eos deponere in Ecclesia *vicina ampliori ob exequiarum commodiorem usum*; quippe statuentes habuerunt respectum ad pompam funebrem, quae prout in nonnullis Titulis ita pariter in aliquibus Parochijs ob loci angustiam non potest expleri, & tali casu voluerunt fieri exequias in alia Ecclesia, *sed vicina Parochia*, & inter vtramque diuidi emolumenta funeralia; ideoque est incontrouertibile, quod Titulus nullum habeat Ius funeris, quod expleri debet, vel in Parochia, quatenus sit comoda, *vel in alia vicina Ecclesia* quatenus Parochia ad pompam sit inepta.

Non obstante, quod idem Statutum disponens de Familiaribus Cardinalium in §. 21. nullum verbum fecerit de eisdem Cardinalibus vnde arguitur, quod statuentes calluerint illos non posse alibi sepelli, quam in Ecclesia Titulari; occurrit quippe satis clara responsio, quod si fuerat de ipsis met Cardinalibus in §. 6. dispositum, superfluum erat iterum de illis disponere, & propterea argumentum detegitur prorsus incongruum.

Constito itaque, quod tam ex Iuris dispositione, quam ex peculiari obser-

observantia, ac demum lege statuti Ius omne assistat Parochia;
confidimus Illustrissimos PP. in contrariam sententiam Nuros,
cum ad expetitur effectum exhumeret reddere dubiam partis ex-
ceptionem in puncto *Anchar. cons. 214. Tusch. lit. S. conc. 184. n. 8.,*
Sperel. dec. 88. n. 11.

Quare &c.

Vincentius Annibaldus.

R. P. D.

P R I O L O


Romana Iuris Tumu-
landi.

P R O

Ven. Ecclesia Parocchiali S. Andreae
de Frattis.

C O N T R A

Ven. Ecclesiam Titularem S. Mariae
ad Montes.



Noua Facti.

✱ ROMÆ Typis Reu. Cam. Apo. st. 1703
Superiorum permissu.